

Na osnovu člana 27. stav 1., člana 32. Zakona o Fondu za zaštitu okoliša Federacije Bosne i Hercegovine („Službene novine Federacije BiH“ broj: 33/03), člana 7., člana 33. stav 1., člana 34. stav 1., člana 36. Statuta Fonda za zaštitu okoliša Federacije Bosne i Hercegovine („Službene novine Federacije BiH“ br: 33/06 i 1/15 i 62/15), odnosnih odredbi Pravilnika o postupku objavljivanja konkursa i o odlučivanju o odabiru korisnika sredstava Fonda za zaštitu okoliša Federacije BiH („Službene novine Federacije BiH“ broj: 73/19), Pravilnika o mjerilima za ocjenjivanje zahtjeva za dodjelu sredstava fonda, odnosno programa, projekata i sličnih aktivnosti („Službene novine Federacije BiH“ broj 74/17, 73/19), Pravilnika o uslovima i načinu dodjele zajmova ili pozajmica i drugih sredstava Fonda za zaštitu okoliša Federacije BiH (Službene novine Federacije BiH broj: 75/10, 74/17), a u vezi sa Programom rada i Finansijskim planom Fonda za zaštitu okoliša Federacije BiH za 2022. godinu („Službene novine Federacije BiH“ broj: 18/22) i Odluke Upravnog odbora o raspisivanju Javnog konkursa za korištenje sredstava Fonda za zaštitu okoliša Federacije Bosne i Hercegovine za 2022. godinu broj: UO-01-3-29-21-1a/2022 od 04.07.2022. godine, Fond za zaštitu okoliša Federacije BiH raspisuje

JAVNI KONKURS

za dodjelu sredstava za realizaciju programa, projekata i sličnih aktivnosti iz područja zaštite okoliša za 2022. godinu – JK 2022/1

Ukupni iznos sredstava koja Fond dodjeljuje po ovom konkursu je 6.619.998,00 KM.

I. PREDMET JAVNOG KONKURSA

Predmet Javnog konkursa je prikupljanje prijava za programe/projekte za raspodjelu sredstava, a koji će se odnositi na sljedeće programske aktivnosti:

LOT 1. WATSAN projekti vodosnabdijevanja i sanitacije u FBiH - raspoloživi budžet: 1.308.430,00 KM

Realizacija projekata zaštite voda od značaja za Federaciju BiH u okviru WATSAN projekta za Federaciju BiH. Projekti će se identifikirati zajedno sa PMU timom, a sve s ciljem ispunjavanja obaveza datih kroz zaključke Vlade Federacije BiH od 10.03.2016. godine. Ovim LOT-om nije predviđena mogućnost prijave za pokrivanje dijela troškova centralnog nadzora ugovorenog za WATSAN projekt, jer su sredstva planirana za direktnu dodjelu po Zaključku Vlade FBiH V. Broj 819/2019.

Aplikant mora osigurati minimalno vlastito učešće u iznosu od 10% od vrijednosti prijavljenog projekta (prednost će imati veći procenat vlastitog učešća). Maksimalni iznos sredstava koja se mogu dodijeliti po projektu je 300.000,00 KM.

LOT 2. Ostali projekti zaštite voda od značaja za Federaciju BiH - raspoloživi budžet: 3.300.000,00 KM

Ovim lotom se planira korištenje sredstava Fonda za zaštitu okoliša Federacije BiH za sufinansiranje projekata isključivo iz oblasti zaštite izvorišta, odvodnje i tretmana komunalnih, tehnoloških, oborinskih otpadnih voda, tretmana mulja sa postrojenja za prečišćavanje otpadnih voda, tretmana procjednih voda sa deponija otpada, kao i izgradnja komunalne infrastrukture zaštićenih područja. Prioritetni projekti su kao takvi istaknuti u Planovima upravljanja vodnim područjima Save i Jadranskog mora, i to su prvenstveno projekti izgradnje postrojenja za prečišćavanje otpadnih voda i provođenje mjera zaštite izvorišta koja služe za snabdijevanje vodom stanovništva. Ova programska aktivnost obuhvata i istražne radove u cilju utvrđivanja i praćenja kapaciteta i kvaliteta izvorišta te provođenja mjera zaštite, uspostavljanje zaštitnih zona i sl.

Napomena: Privredna društva se mogu javiti ukoliko apliciraju sa projektom isključivo za vlastite potrebe.

Aplikant mora osigurati minimalno vlastito učešće u iznosu od 10% od vrijednosti prijavljenog projekta (prednost će imati veći procenat vlastitog učešća). Maksimalni iznos sredstava koja se mogu dodijeliti po projektu je 400.000,00 KM.

LOT 3. Projekti zaštite prirode - raspoloživi budžet: 922.000,00 KM

Ovim lotom se planira korištenje sredstava Fonda za zaštitu okoliša Federacije BiH za sufinansiranje projekata:

- a) Inventarizacije, kartiranja i praćenja stanja vrsta i staništa, s naglaskom na terensko prikupljanje novih podataka.
- b) Aktivnosti provođenja mjera koje se odnose na zaštitu biodiverziteta prema planovima upravljanja u postojećim zaštićenim područjima, kao i aktivnosti na izradi planova upravljanja.
- c) Naučno-istraživački projekti u oblasti biodiverziteta i geodiverziteta.

Naučno-istraživački projekti moraju osigurati naučnu valorizaciju radova.

Aplikant mora osigurati minimalno vlastito učešće u iznosu od 10% od vrijednosti prijavljenog projekta (prednost će imati veći procenat vlastitog učešća). Maksimalni iznos sredstava koja se mogu dodijeliti po projektu je 80.000,00 KM.

LOT 4. Projekti zaštite okoliša kao podrška razvoju lokalnih zajednica - raspoloživi budžet: 1.089.568,00 KM

Ovim lotom se planira korištenje sredstava Fonda za zaštitu okoliša Federacije BiH za sufinansiranje projekata zaštite okoliša, prvenstveno kao podrška razvoju lokalnih zajednica i to za oblasti:

- a) Upravljanje otpadnim vodama, što obuhvata izgradnju ili sanaciju kolektorskih/primarnih, sekundarnih i tercijarnih kanalizacionih mreža lokalnih zajednica;
- b) Projekti zaštite prirode od značaja za lokalne zajednice (uklanjanje divljih deponija u zonama izvorišta i uz vodotoke, prevencije incidenata u svrhu zaštite prirode i dr);
- c) Projekti održivog korištenja voda u vidu smanjenja gubitaka u mrežama, uspostavljanju sistema mjerenja zahvaćenih količina vode, aktivnosti na osiguranju propisanog kvaliteta vode za piće, kao i pomoći najmanje razvijenim jedinicama lokalne samouprave koje nemaju snage razvijati vlastite kapacitete.

Aplikant mora osigurati minimalno vlastito učešće u iznosu od 10% od vrijednosti prijavljenog projekta (prednost će imati veći procenat vlastitog učešća). Maksimalni iznos sredstava koja se mogu dodijeliti po projektu je 200.000,00 KM.

II. KORISNICI SREDSTAVA KOJI IMAJU PRAVO NA PODNOŠENJE PRIJAVE

Pravo učešća na Javni konkurs imaju pravne osobe registrovane kod suda ili organa uprave i to:

LOT 1. WATSAN projekti vodosnabdijevanja i sanitacije u FBiH:

- jedinice lokalne samouprave (gradovi i općine) koji su registrirani u WATSAN projektu;

LOT 2. Ostali projekti zaštite voda od značaja za Federaciju BiH:

- kantoni i jedinice lokalne samouprave (gradovi i općine), javna preduzeća, javne ustanove i privredna društva ukoliko apliciraju sa projektom isključivo za vlastite potrebe;

LOT 3. Projekti zaštite prirode:

- javne ustanove, javna preduzeća i nevladine organizacije koje su registrirane za poslove iz domena zaštite prirode;

LOT 4. Projekti zaštite okoliša kao podrška razvoju lokalnih zajednica:

- jedinice lokalne samouprave (gradovi i općine) i javna preduzeća;

III. USLOVI KOJE PODNOSITELJI PRIJAVE MORAJU ISPUNITI

Pravna lica koja se prijavljuju na Javni konkurs Fonda moraju ispunjavati sljedeće uslove:

- Da imaju sjedište na teritoriji Federacije Bosne i Hercegovine;
- Da osiguraju vlastito učešće najmanje u procentu definiranom za LOT na koji se prijavljuju;
- Da prihvate uslove zajedničkog sudjelovanja u sufinansiranju programa, projekata i sličnih aktivnosti za koje se odobravaju sredstva Fonda za zaštitu okoliša Federacije BiH propisane općim aktima Fonda;
- Da podnesu kompletiranu prijavu za korištenje sredstava Fonda za zaštitu okoliša Federacije BiH u skladu sa objavljenim konkursom;
- Ispunjavaju i druge uslove utvrđene konkursom i pravilnicima.

Pod vlastitim učešćem se podrazumjevaju novčana sredstva korisnika, osnovna sredstva pribavljena radi realizacije ulaganja koja sufinansira Fond, kreditna ili grant sredstva drugih finansijskih institucija, ulaganja ili ulog drugih fizičkih i pravnih lica.

Kompletiranom prijavom se smatra ona koja sadrži obaveznu dokumentaciju traženu Javnim konkursom i dodatnu obaveznu dokumentaciju po pojedinom LOT-u, kojom se dokazuje da aplikacija zadovoljava stručne uvjete po programskim aktivnostima.

Neblagovremene i nekompletne prijave, kao i u kojima su nepotpuno ispunjeni ili nepotpisani i neovjereni obrasci (aplikacijski i finansijski obrazac), će biti odbačene.

Aplikant na jedan LOT može konkurisati samo jednim projektom.

Ukoliko aplikant na jedan LOT prijavi više projekata svi prijavljeni projekti će biti odbačeni.

Aplikantu nije dozvoljeno prijaviti isti projekt na više LOT-ova. U suprotnom će sve takve aplikacije biti odbačene.

U koverti može biti samo jedan projekt. Ukoliko jedna koverta sadrži više projekata, aplikacija se odbacuje.

IV. POPIS DOKUMENATA KOJE JE POTREBNO PRILOŽITI UZ PRIJAVU

Cjelokupna dokumentacija se dostavlja na jednom od službenih jezika u FBiH u štampanoj formi i to u originalu i digitalnoj formi, uvezana tvrdim povezom (ukoričena dokumentacija), sa spiralnim uvezom ili jemstvenikom, sa numerisanim, parafiranim i ovjerenim svim stranicama od strane aplikanta.

Numeracija stranica se vrši tako da svaka stranica bude upisana na način „X/Y“, a gdje X predstavlja broj konkretne stranice, a Y konačni / ukupni broj svih stranica prijavne dokumentacije. Svaki zasebni dokument može imati svoju zasebnu numeraciju, ali je neophodno i na ovaj način označiti sve stranice, tako da prijavna dokumentacija predstavlja cjelinu / jedan dokument.

Ovjera stranica se vrši tako da se na svaku zasebnu stranicu prijavne dokumentacije uz numeraciju stavlja

paraf i pečat aplikanta.

Dokumentacija se dostavlja u originalu i digitalnoj formi. Kompletna dokumentacija za učešće treba biti dostavljena prema redoslijedu sa prijavnog obrasca.

IV.1 OBAVEZNA DOKUMENTACIJA

Obavezna dokumentacija je uslov učešća. Kompletnost obavezne dokumentacije ustanovit će Komisija za analizu prijava sa aspekta ispunjenosti formalno - pravnih uslova Javnog konkursa, koju imenuje direktor Fonda za zaštitu okoliša Federacije BiH. Ukoliko se ustanovi da aplikant nije priložio sve potrebne dokumente, da traženu dokumentaciju nije uvezao na propisan način, te da stranice prijave nije numerisao, ovjerio i potpisao na propisan način, prijava se neće uzeti u dalje razmatranje.

Obavezna dokumentacija mora biti uvezana na propisan način i dostavljena u jednom primjerku originala i digitalnoj formi i mora sadržavati sljedeće:

1. Popunjen Obrazac za prijavu projekta na Javni konkurs, obavezno ovjeren i potpisan (dostupan na službenoj web stranici Fonda za zaštitu okoliša Federacije Bosne i Hercegovine: www.fzofbih.org.ba) – original;
2. Popunjen Obrazac finansijskog pregleda projekta, obavezno ovjeren i potpisan (dostupan na službenoj web stranici Fonda za zaštitu okoliša Federacije Bosne i Hercegovine: www.fzofbih.org.ba) – original;
3. Ovjerenu izjavu o namjenskom trošenju sredstava (ovjera se vrši u općini ili kod notara) – dostaviti original. (Obrazac Izjave je dostupan na službenoj web stranici Fonda za zaštitu okoliša Federacije Bosne i Hercegovine: www.fzofbih.org.ba);
4. Ovjerenu izjavu korisnika da je spreman obezbjediti instrument osiguranja u skladu sa zaključenim ugovorom (ovjera se vrši u općini ili kod notara) – dostaviti original. (Obrazac Izjave je dostupan na službenoj web stranici Fonda za zaštitu okoliša Federacije Bosne i Hercegovine: www.fzofbih.org.ba);

Napomena: U slučaju dodjele sredstava Fonda, korisnici su obavezni dostaviti sljedeće sredstvo osiguranja, ovisno o vrsti registracije kod suda ili organa uprave i to:

- *mjeničnu izjavu za: kantone; jedinice lokalne samouprave (gradovi i općine) i javne ustanove*
- *bankovnu garanciju za: javna preduzeća, privredna društva, i nevladine organizacije.*

5. Ovjerena izjava o korištenim/nekorištenim budžetskim i ostalim oblicima finansijske podrške iz oblasti zaštite okoliša u prethodne 2 godine sa aspekta izvora, visine i namjene sredstava (ovjera se vrši u općini ili kod notara) – dostaviti original. (Obrazac Izjave je dostupan na službenoj web stranici Fonda za zaštitu okoliša Federacije Bosne i Hercegovine: www.fzofbih.org.ba);
6. Dokaz o registraciji aplikanta kod nadležnog suda (aktuelni izvod iz sudskog registra ili sudsko rješenje o izmjenama podataka - odnosi se na pravna lica, izuzev jedinica lokalne samouprave ili kod nadležnog organa, u zavisnosti gdje je subject registrovan (odnosi se na udruženja odnosno nevladine organizacije). Datum izdavanja dokaza o registraciji ne smije biti stariji od 3 mjeseca od dana objave ovog konkursa – dostavlja se original ili kopija originala (koji nije stariji od 3 mjeseca) ovjerena od strane nadležnog organa;
7. Uvjerenja o poreskoj registraciji, i to:
 - a) ID broj;
 - b) PDV broj, za aplikante koji su PDV obveznici.

Obrasci pod a) i b) se dostavljaju kao kopije. Ako se radi o aplikantu koji nije PDV obveznik, oistom se dostavlja uvjerenje Uprave za indirektno oporezivanje. Datum izdavanja uvjerenja

ne smije biti stariji od 3 mjeseca od dana objave ovog konkursa – dostavlja se original ili kopija originala (koji nije stariji od 3 mjeseca) ovjerena od strane nadležnog organa;

8. Ovjerena izjava aplikanta da nije pod stečajem ili predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti. Dostaviti original (Obrazac Izjave je dostupan na službenoj web stranici Fonda za zaštitu okoliša Federacije Bosne i Hercegovine: www.fzofbih.org.ba) – odnosi se samo na privredne subjekte;
9. Uvjerenje o izmirenim poreskim obavezama nadležnih organa - Poreske uprave i Uprave za indirektno oporezivanje. Ukoliko aplikant nije PDV obveznik, dužan je dostaviti uvjerenje Uprave za indirektno oporezivanje o istom. Datum izdavanja svih uvjerenja iz ove tačke ne smije biti stariji od 3 mjeseca od dana objave ovog konkursa – dostavlja se original ili njegova ovjerena kopija (ovjerena od strane nadležnog organa);
Napomena: Uvjerenja iz kojih je vidljivo da obveznik ima neizmirenih dugovanja, a pri čemu u uvjerenju nije navedeno da je potpisan sporazum o izmirenju istih, su neprihvatljiva.
10. Izjava pod materijalnom i krivičnom odgovornošću da će aplikant, za projekat sa kojim se prijavljuje na ovaj Javni konkurs, koristiti PDV u računima kao ulazni (ne odnosi se na aplikante koji nisu u sistemu PDV-a) – ovjera se vrši u općini ili kod notara – dostaviti original ili njegovu ovjerenu kopiju (ovjerenu od strane nadležnog organa). (Obrazac Izjave je dostupan na službenoj web stranici Fonda za zaštitu okoliša Federacije Bosne i Hercegovine: www.fzofbih.org.ba);
11. Ovjerena izjava o osiguranju sredstava za zatvaranje finansijske konstrukcije projekta koji je predmet prijave (ovjera se vrši u općini ili kod notara) – dostaviti original (Obrazac Izjave je dostupan na službenoj web stranici Fonda za zaštitu okoliša Federacije Bosne i Hercegovine: www.fzofbih.org.ba).

Napomena: Za jedinice lokalne samouprave (općine i gradove) izjave nije potrebno nadovjeravati kod notara ili u općini.

IV.2 DODATNA OBAVEZNA DOKUMENTACIJA PO LOT-OVIMA:

LOT 1 – WATSAN projekti vodosnabdijevanja i sanitacije u FBiH:

1. Pismo preporuke jedinice za implementaciju WATSAN projekta pri FMPVŠ;
2. Dokazi o osiguranju sredstava za zatvaranje finansijske konstrukcije projekta koji je predmet prijave i to:
 - usvojen budžet za tekuću godinu (ovjeren i potpisan od strane nadležnog organa) sa označenom pozicijom budžeta iz koje se finansira projekat sa kojim se aplicira;
 - kopija ugovora o kreditnim ili osigiranim grant sredstvima;
3. Ukoliko je u pitanju sufinansiranje izrade projektne dokumentacije dostaviti Projektni zadatak ovjeren od strane aplikanta;
4. Ukoliko je u pitanju izvođenje radova, dostaviti:
 - a) Urbanističku saglasnost;
 - b) Odobrenje za izvođenje radova;
 - c) Ovjeren izvod iz glavnog projekta: predmjer i predračun radova, odnosno specifikacija opreme iz projektne dokumentacije;
 - d) Ukoliko se procedura provodi po sistemu “ključ u ruke” gdje je zadaća izvođača da osigura i projektnu dokumentaciju, ishoduje dozvole i izvede radove, dostaviti potvrdu jedinice za implementaciju WATSAN projekta pri FMPVŠ da se na projekt primjenjuje ova vrsta procedure;
5. Izjava aplikanta da je pripremljena tenderska dokumentacija ili da je objavljen tender ili da je procedura odabira izvođača u toku ili da je provedena (ugovor sa izvođačem).

LOT 2 - Ostali projekti zaštite voda od značaja za Federaciju BiH

1. Preporuka nadležnog ministarstva za projekt (FMOiT ili FMPVŠ);
2. Dokazi o osiguranju sredstava za zatvaranje finansijske konstrukcije projekta koji je predmet prijave i to:
 - usvojen budžet za tekuću godinu (ovjeren i potpisan od strane nadležnog organa) sa označenom pozicijom budžeta iz koje se finansira projekat sa kojim se aplicira – obavezni dokaz koji se odnosi na kantone, jedinice lokalne samouprave (gradovi i općine) i javne ustanove;
 - bilans stanja i uspjeha ovjeren od strane nadležne institucije i izvod po tekućem računu sa prikazom raspoloživosti sredstva u visini vlastitog učešća u projektu – obavezni dokaz koji se odnosi na javna preduzeća i privredna društva;
 - kopija ugovora o kreditnim ili osigiranim grant sredstvima – dodatni dokaz ako postoji takav aranžman;
3. Ukoliko je u pitanju sufinansiranje izrade projektne dokumentacije ili projekta zaštite izvorišta i provođenja istražnih radova, dostaviti Projektni zadatak ovjeren od strane aplikanta;
4. Ukoliko je u pitanju izvođenje radova dostaviti:
 - a) Urbanističku saglasnost;
 - b) Odobrenje za izvođenje radova ili dokaz da za predmetne radove nije potrebno ishodovanje dozvole;
 - c) Ovjeren izvod iz glavnog projekta: predmjer i predračun radova, odnosno specifikacija opreme iz projektne dokumentacije;
5. Izjava aplikanta da je pripremljena tenderska dokumentacija ili da je objavljen tender ili da je procedura odabira izvođača u toku ili da je provedena (ugovor sa izvođačem);
6. Ukoliko je u pitanju provođenje mjera zaštite izvorišta, dostaviti usvojenu odluku o uspostavljanju zona sanitarne zaštite, te izvod iz projekta zaštite izvorišta sa specifikacijom i predmjerom radova.

LOT 3 Projekti zaštite prirode:

1. Preporuka nadležnog ministarstva za predloženi projekat;
2. Detaljna struktura troškova projekta (popunjen, potpisan i ovjeren Obrazac III u prilogu sa iskazanim troškovima rada i materijalnim troškovima);
3. Dokazi o osiguranju sredstava za zatvaranje finansijske konstrukcije projekta koji je predmet prijave i to:
 - usvojen budžet za tekuću godinu (ovjeren i potpisan od strane nadležnog organa) sa označenom pozicijom budžeta iz koje se finansira projekat sa kojim se aplicira – obavezni dokaz koji se odnosi na javne ustanove;
 - bilans stanja i uspjeha ovjeren od strane nadležne institucije i izvod po tekućem računu sa prikazom raspoloživosti sredstva u visini vlastitog učešća u projektu – obavezni dokaz koji se odnosi na javna preduzeća i nevladine organizacije;
 - kopija ugovora o kreditnim ili osigiranim grant sredstvima – dodatni dokaz ako postoji takav aranžman;
4. Referens lista aplikanta sa prikazanim realiziranim projektima u predmetnoj oblasti, navedenim investitorima, mjestom i godinom izrade;
5. Potpisani CV-ovi istraživača za oblast istraživanja prijavljenog projekta sa potpisanom izjavom da će raditi na projektu;
6. Ukoliko se projekt odnosi na proglašeno zaštićeno područje, potrebno je dostaviti saglasnost Javnog

preduzeća koje upravlja zaštićenim područjem;

7. Projektni zadatak sa detaljno obrađenim svim projektnim aktivnostima, detaljno obrađenim krajnjim korisnicima projekta/studije, te detaljno iskazanim benefitima projekta/studije (kratkoročnim, srednjoročnim i dugoročnim), ovjeren od strane aplikanta;
8. Ukoliko su projektom predviđene nabavke dostaviti odgovarajući predračun odnosno specifikaciju, te dokaz o ispitivanju tržišta;
9. U slučaju gdje se iz sredstava Fonda sufinansira kupovina opreme i ostalih sredstava, potrebno je dostaviti ovjerenu izjavu da se neće vršiti preprodaja opreme i ostalih sredstava koji su nabavljeni;
10. Ukoliko se radi o naučno istraživačkom projektu dostaviti ovjerenu izjavu da će se osigurati stručna valorizacija u saradnji s naučnom institucijom, institutom ili univerzitetom.

LOT 4 Projekti zaštite okoliša kao podrška razvoju lokalnih zajednica:

1. Dokazi o osiguranju sredstava za zatvaranje finansijske konstrukcije projekta koji je predmet prijave i to:
 - usvojen budžet za tekuću godinu (ovjeren i potpisan od strane nadležnog organa) sa označenom pozicijom budžeta iz koje se finansira projekat sa kojim se aplicira – obavezni dokaz koji se odnosi na jedinice lokalne samouprave (gradovi i općine);
 - bilans stanja i uspjeha ovjeren od strane nadležne institucije i izvod po tekućem računu sa prikazom raspoloživosti sredstva u visini vlastitog učešća u projektu – obavezni dokaz koji se odnosi na javna preduzeća;
 - kopija ugovora o kreditnim ili osigiranim grant sredstvima – dodatni dokaz ako postoji takav aranžman;
2. Projektni zadatak sa detaljno obrađenim svim projektnim aktivnostima, detaljno obrađenim krajnjim korisnicima projekta, te detaljno iskazanim benefitima projekta (kratkoročnim, srednjoročnim i dugoročnim), ovjeren od strane aplikanta;
3. Ukoliko su u pitanju radovi, ovjerena izjava da je pripremljen projekat (nije potrebno dostavljati štampanu formu projekta nego samo kopiju ovjerene naslovne strane sa pečatom o obavljenoj reviziji);
4. Ukoliko su u pitanju radovi/robe, dostaviti:
 - a) Urbanističku saglasnost;
 - b) Odobrenje za izvođenje radova ili dokaz da isto nije potrebno za predmetne aktivnosti prema važećoj zakonskoj regulativi;
 - c) Ovjeren izvod iz projekta: predmjer i predračun radova, odnosno specifikaciju opreme iz projektne dokumentacije;
5. Izjava aplikanta da je pripremljena tenderska dokumentacija ili da je objavljen tender ili da je procedura odabira izvođača u toku ili da je provedena (ugovor sa izvođačem).

V. KRITERIJI ODABIRA

Analizu pristiglih prijava na Javni konkurs, vršit će Komisije koje imenuje direktor Fonda za zaštitu okoliša Federacije BiH.

Komisije razmatraju prijave primljene na bazi Javnog konkursa, cijeneći ispunjenost uslova i kriterija za odobravanje istih, u skladu sa Pravilnikom o postupku objavljivanja konkursa i o odlučivanju o odabiru korisnika sredstava Fonda za zaštitu okoliša FBiH i Pravilnikom i izmjenama Pravilnika o mjerilima za ocjenjivanje zahtjeva za dodjelu sredstava Fonda, odnosno programa, projekata i sličnih aktivnosti.

Neblagovremene, nepotpune i prijave koje nisu dostavljene u traženoj formi i ne sadrže svu traženu dokumentaciju će biti odbačene.

Uvjet koji trebaju zadovoljiti aplikacije da bi bile bodovane:

- a) Aplikacija je zadovoljila formalno-pravne uvjete učešća
- b) Aplikacija je zadovoljila minimalne stručne uvjete konkursa;

Na osnovu ukupno ostvarenog broja bodova, direktor podnosi Upravnom odboru prijedlog o odabiru korisnika sredstava Fonda, sa iznosima prihvatljivim za finansiranje.

Na prijedlog direktora, Upravni odbor Fonda za zaštitu okoliša Federacije BiH donosi odluku o dodjeli sredstava korisnicima.

Korisnik se obavezuje poštovati rokove definirane članom 10. Pravilnika o postupku objavljivanja konkursa i o odlučivanju o odabiru korisnika sredstava Fonda za zaštitu okoliša Federacije BiH, jer se u protivnom sa istim neće zaključiti ugovor.

Troškovi projekta koji realizira sam aplikant trebaju biti detaljno prikazani u propisanom obrascu (Obrazac III), koji se sastoje od troškova rada i materijalnih troškova, te moraju prethodno biti ocijenjeni prihvatljivim od strane Sektora za praćenje projekata Fonda prije potpisivanja ugovora.

Za projekte čiju ukupnu vrijednost čine troškovi angažmana osoblja i dole navedeni direktni troškovi, maksimalno potraživano sufinansiranje od strane Fonda, po kategoriji troška, može iznositi:

a) **Troškovi angažmana osoblja – maksimalno do 70% ukupnih sredstava koja se potražuju od Fonda**, a pri čemu je prihvatljivo:

- do 70% sredstava koja se potražuju od Fonda za troškove usluga angažmana ekspertnog tima – vanjskih saradnika, na osnovu ugovora potpisanih sa fizičkim (ugovora o djelu)

i/ili

- do 30 % sredstava koja se potražuju od Fonda za troškove rada članova projektnog tima – zaposlenika aplikanta koji rade na projektu, kao dio troškova upravljanja projektom (prihvatljivi su troškovi u iznosu do 30% mjesečne bruto plate zaposlenika)

uz napomenu da **zbir troškova angažmana vanjskih saradnika i zaposlenika ne smije preći maksimalan iznos do 70% ukupnih sredstava koja se potražuju od Fonda.**

b) **Direktni troškovi – maksimalno do 100 % ukupnih sredstava koja se potražuju od Fonda**, a pri čemu je prihvatljivo:

- do 100 % sredstava koja se potražuju od Fonda – troškovi nabavke opreme, alata, pribora i drugih usluga neophodnih za realizaciju projekta;
- do 20 % sredstava koja se potražuju od Fonda – troškovi promotivnih aktivnosti neophodni za realizaciju projekta;
- do 10 % sredstava koja se potražuju od Fonda – putni troškovi;
- do 5 % sredstava koja se potražuju od Fonda – troškovi obavljanja osnovne djelatnosti udruge (administrativni i režijski troškovi) neophodni za realizaciju projektnih aktivnosti.

Fond transferira sredstva po dokazano realiziranim fazama projekta/situacijama do okončanja projekta.

Opravdanim troškovima smatraju se troškovi nastali na projektu nakon dana objavljivanja ovog Javnog konkursa.

Trošak ishodovanja garancije prihvatljiv je kao vlastito učešće korisnika sredstava Fonda.

Stalna sredstva čija je nabavka sufinansirana sredstvima Fonda u okviru projekta ne mogu biti predmet prodaje, niti poklona, 3 godine od dana završetka projekta.

PDV je opravdan trošak ako se ne odbija kao pretporez.

VI. MJESTO I ROK ZA DOSTAVLJANJE PRIJAVA

Obrasci za prijavu po ovom Javnom konkursu mogu se preuzeti na službenoj web stranici Fonda za zaštitu okoliša FBiH: www.fzofbih.org.ba.

Umjesto adrese, na kovertu zalijepiti popunjenu naljepnicu koja se nalazi na prethodno navedenoj web stranici.

Prijava za učestvovanje dostavlja se lično ili putem preporučene pošte na adresu: Fond za zaštitu okoliša Federacije Bosne i Hercegovine ul. Hamdije Čemerlića 39a 71.000 Sarajevo.

Prijava se dostavlja u zatvorenim neprovidnim kovertama sa naznakom:

„NE OTVARAJ - PRIJAVA NA JAVNI KONKURS JK 2022/1 - LOT BR. ___

Rok za podnošenje prijava je: 22.08.2022.godine

Dokumenti koji se dostavljaju kao prijava na Javni konkurs, ne vraćaju se aplikantu.

VII. ROK ZA DONOŠENJE ODLUKE O ODABIRU

Rok za donošenje Odluke Upravnog odbora o odabiru korisnika je 120 dana od dana zatvaranja konkursa. Odluka se objavljuje na web stranici Fonda www.fzofbih.org.ba.

Fond će svim sudionicima javnog konkursa dostaviti i pismene obavijesti o donošenju Odluke Upravnog odbora o odabiru korisnika sredstava po objavljenom javnom konkursu.

VIII. OPĆE ODREDBE

Fond za zaštitu okoliša Federacije BiH ne snosi nikakve troškove nastale pripremom, sačinjavanjem i dostavljanjem aplikacije, te podnosioc aplikacije nema prava na naknadu bilo kakvih troškova po osnovu učešća na ovom Javnom konkursu.

Za dodatne informacije aplikanti se mogu obratiti isključivo do 5 dana prije zatvaranja konkursa, i to radnim danom od 12:00 do 14:00 sati, putem kontakt telefona: +387 (0)33 72 36 80.

Direktor
Esad Humo
